



UNIVERSITÄTS-  
BIBLIOTHEK  
PADERBORN

**Avgvstini Valerii, Veronensis Episcopi, De Rhetorica  
Ecclesiastica Libri III. Perqvam Ervditi**

**Valiero, Agostino**

**Coloniae, 1582**

De probatione ab autoritate Ecclesiæ. Cap. XXXXVIII.

---

[urn:nbn:de:hbz:466:1-69050](https://nbn-resolving.org/urn:nbn:de:hbz:466:1-69050)



enim est & rudium, ex prescripto solum agere. Hinc Hieremias propheta; Dabo, inquit, legem meam in visceribus eorum, & in corde eorum scribam eam; & sanctus Paulus ad Corinthios; Epistola estis Christi, ministrata à nobis, & scripta non atramento, sed spiritu Dei, non in tabulis lapideis, sed in tabulis cordis carnalibus. Quare Saluator noster nihil eorum, quae fecit & docuit, scripsit; nec, quod legamus, scribendum quidquam praecepit; immò cum misit Apostolos ad praedicandum Euangelium, non dixit eis, Scribite: sed, Euntes predicare Euangelium. quibus verbis Apostoli longo temporis spatio viua tantummodò voce Euangelium praedicauerunt; postea etiam literis consignauerunt. Quanta demùm fides traditionibus sit adhibenda, cum ex ijs, quae haecenus dicta sunt, perspicitur potest, tum ex Cypriani verbis, qui ea de re scripsit in hunc modum: Vt par est Spiritui sancto & Christo auctoritas, ita in suis institutis aequa est auctoritas et potestas: nec minus est, quod, dictante Spiritu sancto, Apostoli tradiderunt, quam quod ipse tradidit.

De probatione ab auctoritate Ecclesiae.

Cap. XXXXIII.

**D**E ECCLESIAE auctoritate pluribus verbis & saepe dicet Ecclesiasticus orator, tum ut comparet auctoritatē eius ministris Episcopis & sacerdotibus, quae maximè est necessaria; tum etiam magis ad consolandos peccatores, qui salua nauis, quamuis maximis fluctibus agitata, adhuc non periēerunt. Quare doceat Ecclesiam esse populum fidelem, per vniuersum orbem dispersum,  
eam



stare: regnū calorū, id est, militantem Ecclesiam, simile esse sagena in mare missa, cōmemoret; vel agro, in quo Zizania superseminata sunt; vel arca, in qua frumētum cū paleis cōtinetur; vel decē virginibus, partim fatuis, partim prudentibus: esse expressā in arca Noe, qua nō solum munda, sed etiam immunda animalia, concludebantur.

Hanc Christum sibi amicā, sororem, & sponsam vnicam delegisse, multisq; & eximijis promissionibus ac beneficijs illustrasse, hanc constituisse domum suam, & voluisse esse columnam & fundamentum veritatis, vt de illius doctrina dubitare nunquā possemus; quia tanquā magistra, custos, & interpres veritatis, fidem atque auctoritatem obtinet inuiolabilem: hanc demū Saluatorem nostrum vrbi, supra montem posita, comparasse, quae ab omnibus conspici & cognosci potest: atque cum ea omnibus diebus, vsque ad consummationem seculi, se futurum promississe; vt tacitè admoneremur ei in omnibus esse parendum: & quidquid illa tanquā fidei dogma tenet, verissimum esse; nec quidquā falsum, quod aut credit, aut docet, esse credendum. Cū enim, vt ait Apostolus ad Ephesios, corpus Christi sit Ecclesia, à suo certè capite mouetur et regitur; ideò fateamur oportet, eam nullo vnquā tempore errare posse, quia à Saluatore nostro, Ecclesia ministris dicta sunt illa verba: Ego rogabo patrem, & aliū paracletum dabit vobis, vt maneat vobiscum in aternū, spiritum veritatis, quē vos cognoscetis, quia apud vos manebit. Quae verba nē quis Apostolus tantū dicta esse posset existimare, addit, Non pro eis autem rogo tantū, sed pro eis, qui credituri sunt per verbum eorum in me. Quare nemo iurè dubitabit, quin Ecclesia decretis & legibus tanta fides

F

sit ad-



sit adhibenda, quanta si ipsius Saluatoris nostri ore lata  
 fuissent. Verum cum de Indulgentijs sermonem habebit  
 ad populū Ecclesiasticus orator, eas esse thesauros, quos  
 Christus sponsæ suæ Ecclesiæ donauit, demonstrabit. Nam  
 ut merita Christi, cuius vna gutta sanguinis sufficiebat  
 ad redimendos omnes Christianos, merita etiam san-  
 ctorum martyrum, & preces Ecclesiæ, in indulgētiarum  
 thesauro, sunt recondita, valere plurimum ad leuandam  
 pœnā, cui obnoxij sumus, deleta iam culpa, quam indul-  
 gentissimus pater Deus peccatoribus remittit: dispensa-  
 torem huius thesauri, esse Christi vicarium; ab illo con-  
 cedi solitas indulgentias ad gloriā Dei, & ad populorum  
 salutem, ac excitandos homines ad egregium aliquod o-  
 pus: neminem, qui mortali peccato sit contaminatus, &  
 qui ea, quæ sanctissimus pontifex iussit, non obseruauerit,  
 tanti beneficij participem esse: Iubileum Plenariam In-  
 dulgētiā concedi, vt humanā infirmitati succurratur,  
 ad conseruandam reuerentiam erga sanctam Sedem A-  
 postolicam, ad confirmādā fidem catholicā, & ad ex-  
 citandam in animis hominum spem diuinæ misericordie.

De probatiōe ab authoritate sedis Apostolicę.

Cap. XXXV.

**S**EDIS Apostolicę authoritas, hoc est, Romani Pon-  
 tificis decretum satis est firmum argumentum ad fa-  
 ciendam fidem: nam ipse est Christi Vicarius, & legiti-  
 mus successor Petri, eādē, quam Saluator noster Petro  
 tribuit, nō solum authoritatem & potestatem, sed etiam  
 fidei firmitatem & stabilitatem habens; cum ea verba,  
 Rogavi pro te Petre, vt non deficiat fides tua; & tu  
 aliquan-